

〈大乘十法會〉補充講義

1. 《大智度論》卷32〈1 序品〉：「實際」者，以法性為實證，故為際。如阿羅漢，名為住於實際。問曰：如、法性、實際，是三事為一、為異？若一，云何說三？若三，今應當分別說！

答曰：是三皆是「諸法實相」異名。所以者何？凡夫無智，於一切法作邪觀，所謂常、樂、淨、實、我等。佛弟子如法本相觀，是時不見常，是名無常；不見樂，是名苦；不見淨，是名不淨；不見實，是名空；不見我，是名無我。若不見常而見無常者，是則妄見，見苦、空、無我、不淨亦如是，是名為如。如者，如本，無能敗壞。以是故，佛說三法為法印，所謂一切有為法無常印、一切法無我印、涅槃寂滅印。問曰：是三法印，般若波羅蜜中，悉皆破壞。如佛告須菩提：「若菩薩摩訶薩觀色常，不行般若波羅蜜；觀色無常，不行般若波羅蜜。苦、樂、我、無我，寂滅、非寂滅，亦如是。」如是云何名法印？

答曰：二經皆是佛說，如《般若波羅蜜經》中，了了說諸法實相。有人著常顛倒，故捨常見，不著無常相，是名法印；非謂「捨常、著無常者，以為法印」；我乃至寂滅亦如是。般若波羅蜜中，破著無常等見；非謂「破不受不著」。得是諸法如已，則入法性中，滅諸觀，不生異信，性自爾故。譬如小兒見水中月，入水求之，不得便愁。智者語言：「性自爾，莫生憂惱！」善入法性，是為「實際」。

(CBETA, T25, no. 1509, p. 297, c12-p. 298, a18)

2. 《大乘起信論》卷2：「信成就發心者。依何位修何行。得信成就堪能發心。當知是人依不定聚。以法熏習善根力故。深信業果行十善道。厭生死苦求無上覺。值遇諸佛及諸菩薩。承事供養修行諸行。經十千劫信乃成就。——復次信成就發心。略說有三。一發正直心。如理正念真如法故。二發深重心。樂集一切諸善行故。三發大悲心。願拔一切眾生苦故。問一切眾生一切諸法皆同一法界。無有二相。據理但應正念真如。何假復修一切善行救一切眾生。

答不然。如摩尼寶本性明潔在鑛穢中。假使有人勤加憶念。而不作方便不施功力。欲求清淨終不可得。真如之法亦復如是。體雖明潔具足功德。而被無邊客塵所染。假使有人勤加憶念。而不作方便不修諸行。欲求清淨終無得理。是故要當集一切善行救一切眾生。離彼無邊客塵垢染顯現真法。」(CBETA, T32, no. 1667, p. 588, c29- p. 589, a28)

3. 《大乘義章》卷11：「依如成實四不壞淨亦得名為四不壞信。信心精純離於疑濁故名為淨。淨信堅固不可傾動稱曰不壞。是信不同一門

說四。四名是何。一佛不壞淨。二法不壞淨。三僧不壞淨。四戒不壞淨。佛不壞者。於佛所得真實法中自證小分。仰類佛德知其殊勝名佛不壞淨。故成實言。自得真智於佛決定知佛一切眾生中尊名佛不壞淨。法不壞者。自證真法於法決定名法不壞。又得真智信此真智殊勝微妙亦名信法。故成實言。信此真智即名信法。僧不壞者。自得真智類餘聖眾。知於一切諸眾中勝名僧不壞。故成實言。信得真智者一切眾中最為第一名信僧也。戒不壞者。如成實釋。得聖所愛戒深心離惡。知因是戒能信三寶信戒大力名戒不壞。」(CBETA, T44, no. 1851, p. 682, c1-15)

4. 《大乘阿毘達磨雜集論》卷12〈2法品〉：「復次何緣一分眾生。於方廣分廣大甚深不生勝解。反懷怖畏耶。由遠離法性故。未種善根故。惡友所攝故。法性者。謂菩薩種性是彼自體故。由一分眾生無菩薩種性故。心性下劣於廣大甚深教不能勝解。是故怖畏。又一分眾生雖有菩薩種性。而於大菩提未種正願等諸善根故。於此不能勝解。是故怖畏。又一分眾生雖已種善根。而為誹謗大乘眾生。惡友所攝故。於此不能勝解。是故怖畏。復次何緣一分眾生於方廣分廣大甚深雖生勝解。而不得出離耶。由深安住自見取故。常堅執著如言義故。深安住自見取者更不進求了義經故。常堅執著如言義者恒堅封執不了義經故。如聞一切法畢竟無自性言故。便撥一切諸法性相皆無所有。如是於餘不了義經堅執如言義亦爾。是故雖信大乘而不得出離。以大乘經由種種意說故。依此密意薄伽梵於大法鏡經中說如是言。若諸菩薩隨言取義。不如正理思擇法故。便生二十八不正見。何等名為二十八不正見耶。謂相見。損減施設見。損減分別見。損減真實見。攝受見。轉變見。無罪見。出離見。輕毀見。憤發見。顛倒見。出生見。不立宗見。矯亂見。敬事見。堅固愚癡見。根本見。於見無見見。捨方便見。不出離見。障增益見。生非福見。無功果見。受辱見。誹謗見。不可與言見。廣大見。增上慢見。相見者。謂聞大乘經中所說一切諸法皆無自性無生無滅本來寂靜自性涅槃等言。不善密意但隨此言義便生勝解。謂佛所說一切諸法定無自性定無生等。執著如是無性等相。是名相見。彼執著如是無性等相時。便謗三自性。謂遍計所執自性。依他起自性。圓成實自性。遍計所執自性者。謂諸愚夫於色等相。周遍計度起增益執。謂此是色乃至此是涅槃。此所執義無實無體。唯有名言之所施設。依他起自性者。謂即此色等唯是虛妄分別自體。又因果性或異不異。圓成實自性者。謂一切法真如實性。於此三性起誹謗行。即次三見。謂損減施設見。損減分別見。損減真實見。彼如是誹謗一切種一切法時。為欲成立此邪見故。便復攝受少分道理。又於所有開示離言諸法實性了義契經。廣設方便皆悉轉變令順己見。如是二種即次二見謂攝受見。轉變見。彼又起如是見。若依此見行善不善。

定皆無罪無有過失。一切所行皆歸妙善。先所積習一切障垢皆得出離。如是二種即次二見。謂無罪見。出離見。彼如是執自見已。便於此見相違安立蘊等諸法。聲聞藏中妄生輕毀。又於不信如是邪見聲聞人等深生憎嫉。如是二種即次二見。輕毀見。憤發見。彼又隨順自惡邪見。謂我當建立如實空無相無願。於非彼相起彼相想。而於彼相顛倒建立。又作是思惟。若能悟入如是法性。或令他入一切皆生無量功德。如是二種即次二見。謂顛倒見。出生見。若他於彼所起惡見如理詰責。彼於爾時竟不樂欲。建立自宗。反以譏弄妄理詰責於他。如是二種即次二見。謂不立宗見。矯亂見。彼又起如是增上慢。謂若能如是修行。是真供養恭敬諸佛世尊。如是見者名敬事見。諸有善達無倒法性者。為令捨離彼惡見故。雖以種種真實成立道理方便開悟。堅守愚見曾無捨心。謂唯此真餘並邪妄。如是見者名堅固愚癡見。如上所說。諸見所有習氣龐重。是名根本見。為欲開示如上所說十七種見諸過失門。復說餘見。謂即相見名於見無見見。此實堅執無性等相而起。不執一切相想故。即損減施設見。損減分別見。損減真實見。名捨方便見。由彼誹謗一切法性。於勤精進起無用想故。即攝受見轉變見。名不出離見。非方便修學不能證果故。即無罪見出離見。名障增益見。所行邪僻無容盡障故。即輕毀見憤發見。名生非福見。由於正法同梵行所起邪行門。便能引發大衰損故。即顛倒見出生見名無功果見。由所安立非正法性授者受者俱不能證勝進果故。即不立宗見矯亂見。名受辱見。非理輿論無宜得勝故。即敬事見名誹謗見。所不應說強增益故。即堅固愚癡見名不可與言見。邪執空者不應與言。徒設多詞終無所益故。即根本見名廣大見。由此當來諸惡見類轉增廣故。即上所說二十七見。皆名增上慢見。並能發起虛妄無實增上慢故。」(CBETA, T31, no. 1606, p. 750, c27-p. 751, c22)

5. 《金剛般若波羅蜜經》卷 1：「佛告須菩提：『菩薩發阿耨多羅三藐三菩提心者，當生如是心：『我應滅度一切眾生，令入無餘涅槃界。如是滅度一切眾生已，而無一眾生實滅度者。』何以故？須菩提！若菩薩有眾生相、人相、壽者相，則非菩薩。何以故？須菩提！實無有法，名為菩薩發阿耨多羅三藐三菩提心者。』」(CBETA, T08, no. 236a, p. 755, b2-8)

6. 《大寶積經》卷 90：「一切戲論從心起 不應分別法非法 如是見法不思議 彼人處世常安樂
凡夫迷惑隨心轉 多劫輪迴諸有中 若知法性皆無性 是名真實不思議
若有比丘念諸佛 非善思惟非正念 於佛妄生分別想 而此分別無真實
若有思惟於空法 如是凡夫住邪道 但以文字說於空 文字與空何可得
若有思惟寂靜法 是心非有本無生 心行覺觀皆戲論 無念名為見諸法

一切諸法無思念有心有念盡皆空若人愛樂觀空於此無念勿生念
法同草木無知覺若離於心不可得眾生自性無所有一切諸法皆如念
如因日光眼能見夜則緣離無所覩若眼自能見色者何故待緣方能見
眼常因彼諸光明聲聞已即滅而無住推其去處不可得是故知眼不能見
設有聞諸悅意聲文字於中假安立無所說中而演說凡愚不知妄生著
一切諸法但言聲而施根本不可得無戒之性猶虛空清淨持戒亦如忍
我為世間歎淨戒勝進三昧了名智慧修苦事亦無有能造作者猶如分
我常歎忍辱為最精進及三昧了名智慧修苦事亦無有能造作者猶如分
我說晝夜常精進開示世間諸法名智入大怖惡道中亦無有能造作者
禪定解脫及三昧了名智慧修苦事亦無有能造作者猶如分
觀察覺了名智慧修苦事亦無有能造作者猶如分
我常歎說地獄諸苦具數凡夫繫著世間無貪欲及瞋癡
刀杖鉞稍眾苦花世間利益真實何處度脫無邊際求其常而示言巧
園林種種妙法誑世間利益真實何處度脫無邊際求其常而示言巧
虛偽之法誑世間利益真實何處度脫無邊際求其常而示言巧
我說發趣菩提心清淨常寂虛空如劫修眾行如實相而示言巧
心性清淨常寂虛空如劫修眾行如實相而示言巧
了知諸法如虛空如劫修眾行如實相而示言巧
於無數劫修眾行如實相而示言巧
譬如世間大幻化求其常而示言巧
一切眾生如幻化求其常而示言巧
了知諸法如實相而示言巧
大悲利益諸眾小兒善巧調伏眾生如所修行得涅槃心
如以空拳誘小兒善巧調伏眾生如所修行得涅槃心
如以慈悲勸說言於此方生希有名句義非有得證
既已出家勤修習證於此方生希有名句義非有得證
果無所有而得證於此方生希有名句義非有得證
一切諸法如虛空禪定善提遠離何處言不生芽生
而我修行有所證當於何處言不生芽生
諸法自性無殊勝我於中終不有得根本
眾生得果名殊勝我於中終不有得根本
譬如良田無種子寂滅無有得根本

過去無數百千佛 無有能度眾生者 若此眾生真實有 畢竟無能得涅槃
一切諸法皆寂滅 未曾有法可生者 若能如是見諸法 彼人已出於三界
是則無礙佛菩提 於中究竟無所有 若能了知如是法 我說名為離欲人
(CBETA, T11, no. 310, p. 518, b4-p. 519, b7)

7. 《大智度論》卷 48 〈19 四念處品〉：

「問曰：若菩薩修此三十七品，云何不取涅槃？」

答曰：本願牢故，大悲心深入故，了了知諸法實相故，十方諸佛護念故。如《經》說：「菩薩到七住地，外觀諸法空，內觀無我；如人夢中縛棧渡河，中流而覺。作是念：我空自疲苦，無河無棧，我何所渡？菩薩爾時亦如是，心則悔厭，我何所度？何所滅？且欲自滅倒心。」

「是時，十方佛伸手摩頭：善哉！佛子！莫生悔心，念汝本願！汝雖知此，眾生未悟，汝當以此空法教化眾生！汝所得者，始是一門，諸佛無量身、無量音聲、無量法門、一切智慧等，汝皆未得。汝觀諸法空故，著是涅槃，諸法空中無有滅處，無有著處；若實有滅，汝先來已滅。汝未具足六波羅蜜，乃至十八不共法，汝當具足此法，坐於道場，如諸佛法。」(CBETA, T25, no. 1509, p. 405, c23-p. 406, a9)

8. 《大寶積經》卷 112：「迦葉。譬如呪術藥力毒不害人。菩薩結毒亦復如是。智慧力故不墮惡道。迦葉。譬如諸大城中所棄糞穢。若置甘蔗蒲萄田中則有利益。菩薩結使亦復如是。所有遺餘皆是利益。薩婆若因緣故。」(CBETA, T11, no. 310, p. 633, b26-c1)

9. 《維摩詰所說經》卷 2 〈6 不思議品〉：「是時大迦葉聞說菩薩不可思議解脫法門，歎未曾有，謂舍利弗：「譬如有人，於盲者前現眾色像，非彼所見；一切聲聞聞是不可思議解脫法門，不能解了，為若此也！智者聞是，其誰不發阿耨多羅三藐三菩提心？我等何為永絕其根，於此大乘，已如敗種！一切聲聞聞是不可思議解脫法門，皆應號泣，聲震三千大千世界；一切菩薩應大欣慶，頂受此法。」(CBETA, T14, no. 475, p. 547, a3-11)

10. 《維摩詰所說經》卷 1 〈1 佛國品〉：「眾生之類是菩薩佛土。所以者何？菩薩隨所化眾生而取佛土，隨所調伏眾生而取佛土，隨諸眾生應以何國入佛智慧而取佛土，隨諸眾生應以何國起菩薩根而取佛土。所以者何？菩薩取於淨國，皆為饒益諸眾生故。譬如有人，欲於空地，造立宮室，隨意無礙；若於虛空，終不能成！菩薩如是，為成就眾生故，願取佛國，願取佛國者，非於空也。」(CBETA, T14, no. 475, p. 538, a21-29)